

**Ko Tikapa te moana
Ko Hauraki te whenua**

Karangahia ngā maunga o Hauraki
Ngā tai papaki toru e tau nei
Āpiti mai te ākau o aroha
Pari nui atu ana ngā roimata

**Tū tonu ko te rae o Hauraki
Ko Moehau te maunga
Ko Tikapa te moana
Ko Hauraki te whenua**

Mai i a Mahurangi
Ki Ngā Kurī ā-Whārei
Nei te Tara o te Ika-ā-Māui
E tū ake nei
Takoto ai te marino
Horahia i waho
Haere mai ki Hauraki
He aute tē āwhea.

**Tū tonu ko te rae o Hauraki
Ko Moehau te maunga
Ko Tikapa te moana
Ko Hauraki te whenua**

TAKU KURU

Taku kuru hauhunga, taku whakateitei

Ki ngā whenua me kaukau koe

Ki te wai puna o Tāne, he wai tea

Taku tōtara haemata

Kei te rau koe o te wharenui

E kai nei te aroha

He pakiaka te rākau i tū ai

Nā tō mana, nā tō tohu i māhue ai

Kua tara ā whare te parekawakawa

I tiu atu rā hoki ko te manu e

Hei paki haerenga mōu

Takoto ai te marino

Horahia i waho rā

Rite koe ki te takere waka nui

Taku whare kī tonu

E kore koe e ngaro

Nā te rau o te iwi ka tangi tonu nei e

E tau nei

Ko Hauraki e tau nei
E mihi ana ki te whenua
E tangi ana ki te tangata
Ko ngā hau e pupuhi mai nei
Rere ki uta rere ki tai
Tihei Mauri ora

Here is Hauraki
acknowledging the land,
lamenting those who have
passed, winds here swell,
to the land to the seas, A
breath of life.